

Педагогикалық кеңестің № 3 хаттамасы

Өткізу мерзімі: 2026 жыл 30 қаңтар

Тақырыбы: «Инновациялық технологияларды қолдана отырып дамытушы ойындар арқылы балалардың сөздік қорын, тілін дамыту»

Қатысқан: педагогикалық ұжым

Күн тәртібінде:

1. № 2 педагогикалық кеңесте қабылданған шешімдерінің орындалуы.
Меңгеруші: Г. Калякасова
2. 2025-2026 оқу жылындағы балалардың қаңтар айындағы білім деңгейлерінің сараптамасы
Инновация әдіскері: А.Абдукадирова
3. Педагогтердің ұйымдастырылған ашық іс -әрекеттерінің анықтамасы
Әдіскер: Л.Дуйсекулова
4. «Дидактикалық ойындар арқылы балалардың ой-өрісін дамыту»
Тәрбиеші: М.Мырзақұлова
5. Психологиялық- педагогикалық тренинг
Педагог - психолог :Т.Туякбаева
6. Балабақшаның өзін-өзі бағалауын жүргізу туралы
Меңгеруші: Г. Калякасова
7. Дамытушы ойындар көрмесі
8. Педагогикалық кеңестің шешімін қабылдау және бекіту
Меңгеруші: Г.Калякасова

Тыңдалды:

Күн тәртібіндегі бірінші мәселе бойынша сөз бастаған балабақшаның меңгерушісі Г.Калякасова педагогтерді №3 педагогикалық кеңестің күн тәртібімен таныстырып, №2 педагогикалық кеңестің шешімінің орындалуына тоқталды. Ұйымдастырылған іс-әрекеттерде қолданылатын дидактикалық материалдар және ұлттық құндылықтарға байланысты үлестірмелі материалдар дайындалып, күнделікті іс-әрекеттер барысында тиімді қолданылып жүргенін айтты. Күн тәртібін сақтай отырып, ұйымдастырылған іс-әрекеттерді үлгілік оқу бағдарламасына сай ұйымдастырып, бала қауіпсіздігін аса назарға алуды тапсырды.

Күн тәртібіндегі екінші мәселе бойынша балабақшаның инновация әдіскері А.А.Абдукадирова 2025-2026 оқу жылындағы балалардың қаңтар айындағы білім деңгейлерінің сараптамасына тоқталды. Әр топтың бастапқы және аралық деңгейін салыстырмалы көрсеткішінің анықтамасын айтты. Жалпы балабақша бойынша аралық мониторингке 10 топтан 254 тәрбиеленушіге бақылау жасалғанын айтты. Бастапқы мониторинг

көрсеткішіне қарағанда өсу деңгейі анықталғанын атап өтті. Төмен деңгейді көрсеткен балалармен алдағы уақытта көбірек жеке жұмыстар жүргізіп, алдағы қорытынды мониторинг көрсеткіші бұдан жоғары болуы жан-жақты дамуы үшін аянбай еңбек етуге шақырды.

Күн тәртібіндегі үшінші мәселе бойынша сөз сөйлеген балабақшаның әдіскері Л. Дуйсекулова педагогтердің ұйымдастырылған ашық іс - әрекеттеріне дайындаған анықтамасына тоқталды. Ұйымдастырылған іс-әрекеттердің жоспарының, дидактикалық материалдарының балалардың жас ерекшелігіне сай болуына көңіл бөлуді ескертті. Әр топтың жас ерекшелігіне сай дағдыларды дамыту мақсатында өзінің тиімділігі бар дидактикалық ойындарды қолдану керектігін ескертті. Ашық ұйымдастырылған іс-әрекет барысында ұсынылған жаңашылдықтарды күнделікті іс-әрекетте жандандыруды, кеткен кемшіліктердің орнын толтыру үшін нәтижелі жұмыстар жасап, алдағы уақытта өз істеріне үлкен жауапкершілікпен қарауды тапсырды. Тәрбиеленушілерді ойната отырып бойларына ұлттық құндылықты, ұлттық тәрбиені сіңіруді, патриоттық сезімдерін оятуды ұсынды.

Күн тәртібіндегі төртінші мәселе бойынша сөз алған балабақшаның тәрбиешісі М.Мырзақұлова «Дидактикалық ойындар арқылы балалардың ой-өрісін дамыту» тақырыбындағы баяндамасымен бөлісті. Бала тәрбиесіндегі дидактикалық ойындардың маңыздылығын ашып түсіндірді. Дидактикалық ойындар – білім беру мақсатында арнайы ұйымдастырылған, баланың танымдық белсенділігін арттыруға бағытталған ойын түрлері екенін және олар баланың зейінін, логикалық ойлауын, есте сақтау қабілетін, тілін және шығармашылық қиялын дамытуға көмектесетінін атап өтті. Дидактикалық ойындар – баланың ой-өрісін дамытудың тиімді құралы және оқу-тәрбие үдерісінде орынды қолдану арқылы жан-жақты дамыған, шығармашыл тұлға қалыптастыруға болатынын сөз етті.

Күн тәртібіндегі бесінші мәселе бойынша балабақшаның педагог-психологі Т.Туякбаева педагогтермен «Мен өзімді қалай жақсы көремін?» тақырыбында психологиялық тренинг ұйымдастырды. Тренинг барысында педагогтер ашылып, өз ойларын ортаға салып, ортақ ұнататын жақтарын қызықтап жатты. Осы тренингтің аясында қай педагог нені жақсы көреді, неге бейім, демалыс күндерін қалай өткізетінін анықтап алды. Өзін жақсы көретін адам өзгені де жақсы көре алатынын түсіндіріп өтті.

Күн тәртібіндегі алтыншы мәселе бойынша балабақшаның меңгерушісі Г.Калиякасова жыл сайынғы балабақшаның өзін-өзі бағалауын жүргізуді ұйымдастыру туралы айтты. Бағалауды жүргізу үшін алдымен комиссия мүшесі құрылатынын, жоспар бекітілетінін түсіндірді. Жоспарға сай 01.04.2026-22.05.2026 жыл аралығында Мемлекеттік жалпыға міндетті білім беру стандартының жалпы талаптарына сәйкестігін бақылау мақсатында

комиссия мүшелері үлкен жауапкершілікпен өз жұмыстарын атқаруы керегін ескертті.

Күн тәртібіндегі алтыншы мәселе бойынша балабақшаның инновация әдіскері А.Абдукадирова «Инновациялық технологияларды қолдана отырып дамытушы ойындарды қолдану арқылы балалардың сөздік қорын, тілін дамыту» тақырыбындығы дөңгелек үстелге барлық педагогтерді шақырды. Күнделікті іс-әрекетте жаңартылған технологияларды қолдану арқылы балалардың сөздік минимумын, тілін дамыту, байланыстырып сөйлеуге үйретуге арналған ойын түрлеріне тоқталып, педагогтермен ойындарды ойнатты. Бір-бірімен тәжірибе алмасып, балалық шаққа саяхат жасады. Дидактикалық ойындарды ойнау арқылы балалар жан-жақты дамып, сөздік қорлары молайып, бір-бірімен тығыз қарым –қатынасқа түсетінін айтты. Бұл ойындарды балаларға жеке және топтық жұмыстарды іске асыру барысында қолдану өте маңызды. екенін және ойнап отырып ойландыратын ойындар арқылы зияткерлік қабілеттерінің артатынын сөз етті.

Шешімдер қабылданды:

1.2025-2026 оқу жылындағы қорытынды мониторинг көрсеткішін жоғары деңгейге жеткізу үшін тәрбиеленушілермен жұмыстар жүргізілсін

Жауапты: әдіскерлер, тәрбиешілер, педагогтер

2.Педагогтердің ұйымдастырылған ашық іс -әрекеттеріне байланысты берілген ұсыныстармен жұмыс жасап алдағы уақытта үздік нәтижелер көрсетілсін

Жауапты: педагогтер, тәрбиешілер

3. Күнделікті іс-әрекетте жаңартылған инновациялық технологиялар, дидактикалық ойындар жүйелі түрде қолданылсын

Жауапты: әдіскерлер, тәрбиешілер, педагогтер

4.Өзін-өзі бағалауын жүргізуді ұйымдастыру туралы бұйрық шығарылсын

Жауапты: әдіскерлер

5.Осы шешімдердің орындалуын қадағалауды өзіме қалдырамын.

Меңгеруші:

Г.Калиякасова

Хатшы:

А.Косбармахова



Астана қаласы әкімдігінің №49 «Алтынай» балабақшасы МКҚК



Тренинг

«Бүгінгі арманыңды ертеңге қалдырма»

Астана, 2025